



Universitätsbibliothek Paderborn

Œcumenica Cathedræ Apostolicæ Avthoritas

Reding, Augustin

[Ort nicht ermittelt], Anno M.DC.LXXXIX.

§. II. Canonis Nicæni expositio præinfinuata firmatur ex variarum
Synodorum decretis.

urn:nbn:de:hbz:466:1-38717

De Apost. erga SS. Canones potestate. 475

ac si sanxisset, questiones adversus Episcopum motas, & in Concilio Provinciali decisas, non posse appellando ad sublimius Tribunal trahi. Illud ergo prius tam ex rei natura, quam per litteram, vel etiam consequentiam illius Canonis, minimè vero posterius evinci potest: ipomet Elliesio circa finem precedens *Dissert. 1. §. 13.* fatente, per Concilij Chalcedonensis Canonem sextum dari recursum à Synodo Provincia ad Synodum Dicæceos: quod minimè cohereret præaducto Nicæo Canoni quinto, si per hunc interdiceretur ulterior à Synodo Provinciali recursus ad superioris Tribunal faciens.

12. At pro quanto reponit Elliesius. Iudicium Synodi Provincia, cuius in Nicæi Conciliij Canone quinto fit mentio, esse ultimum, nec ab eo dari ullam provocationem. Iuberi enim à Synodo, excommunicatos tamdiu extra communionem manere, donec eisdem Episcopis vîsum fuerit, humano rem ferre sententiam. Si vero post illorum sententiam, aliqua fuisse concessa provocatio, non hoc dictum fuisse Concilium, sed potius alterum fuisse, dummodo Superior, ad quem provocatio facta fuerit, confirmet iudicium.

Verum priulquam directe respondeamus, sciscitur lubeat ex illo Parisiensi Theologo: si Rex Christianissimus supremo alicujus Provincie Gallicæ Senatu concellerit facultatem super causis criminalibus ad judicium suum delatis eatus pronuntiandi, ut sententia ab eo lata inviolabilitate tenenda sit, donec eidem Regio Senatu vîsum fuerit, humano rem ferre sententiam; num per hoc dicere fas sit, ipomet etiam Regi adimi, seu negari auctoritatem mitigandi, seu judicialiter corrigendi sententiam ab illo supremo Senatu prolatam? Nequitiam: sed secundum ipsam rei naturam, excepta censenda est Regiae auctoritatis potestas, omnimodæ cujuscunque Senatus Regie judicaria facultati supereminens. Sic protesto ex illo Elliesiano argumento haud evincitur (dum Canon Concilii Nicæni non adjectit eam exceptionem, modo Superior, ad quem facta fuerit provocatio, iudicium confirmet) denegari superiori auctoritati potestatem mitigandæ, seu judicialiter moderandæ sententia, à Concilio Provinciali latte, sed juxta ipsam rei naturam dicendum est, abstrahi ab illa exceptione: ut proinde Concilio Chalcedonensi superioris allegato fas fuerit, adhuc statuere, admittendum esse à Concilio Provincia recursum ad Concilium Dicæceos. Quidni ergo perinde, imo à fortiori dicendum erit, sub illâ Canonis Nicæni recursum ad superiori Ecclesiæ auctoritatem haud denegantis, sed ab hoc duntaxat abstrahentis, dispositione, debere ex ipsa rei natura subintelligi supremæ in Ecclesia per Christum tum Papæ, tum Concilio Oecumenico immediate concessæ auctoritatis sacrosanctum tribunal?

14. Cujusmodi exceptionis pro quinto sequentem ex prefato Nicæo Canone accipe rationem. In hoc enim notatu dignissimum est, quod telle Elliesio, ita sit legendum, ut, qui

abiciuntur ab uno Episcopo, ab alijs non recipiantur. Nunquid enim ille, qui abiciuntur ab uno Episcopo, recipi potest à Concilio Provincia? Quomodo igitur verborum illorum veritas subsisteret, nisi dicatur per Tò ab alijs, (ceu voce similium repetitiâ) non sublimiori auctoritati, qualē respecto cujuslibet Episcopi sigillatum sumpti Concilium Provinciale obtinet, sed pari duntaxat seu simili singularum aliorum Episcoporum auctoritatē denegari potestem, illos, qui ab uno Episcopo excommunicantur, recipiendi ad communionem? Quandoquidem igitur tum Concilium Dicæceos, tum multo magis Concilium Oecumenicum, tum absoluta clavium in Papâ potestas sit longe sublimioris auctoritatis, quam provinciæ Synodus; omnino dicere oportet, ab ejusmodi Concilij Provincialis iudicio dari adhuc recursum tum ad Dicæceos Concilium, tum à fortiori ad Synodum Oecumenicam, tum etiam ad Papæ absolutam clavium auctoritatem, Canone illo Nicæno necquidquam obstante: ita ut, tametsi verba Canonis illius, juxta novissimam Parisiensem editionem tali modo essent accipienda (quod ē, qui excommunicantur ab alijs, haud debent ab alijs recipi ad Communionem) nihilominus ex propriâ illius vocis similium repetitiæ significatione, oporteat, id intelligere de illic, qui pars solummodo, non autem superioris sunt auctoritatis.

§. II.

Canonis Nicæni expositor præinsinuata firmatur ex variarum Synodorum decretis.

15. Elliesius presentis *Dissert. 2. §. 2.* ntitur, intentum suum firmare ex sequentibus Synodorum decretis, quæ mox demonstrabimus, nostræ sententiae apprimè inservire.

Inducitur primò secunda Generalis Synodus CAN. 2. Tom. 2. Conciliorum colum. 954. relatâ, administrationem rerum Ecclesiasticorum Synodo Provinciæ vi præallegati decreti Nicæni commissam, affirmans sub his verbis: *Servatâ, que præscripta est, de gubernationibus regulâ, manifestum est, quod illa, que sunt per unamquamque Provinciam, ipsius Synodus Provincia administret, sicut Nicæno constat decretum esse Concilio.* At inter ea, quæ per unamquamque Provinciam occurruunt (subluitis is Theologus) est Episcoporum delinquentium correctio & depositio. Hæc igitur ex sententiâ Nicæni & Constantinopolitanî Concilij tota pertinet ad Synodum Provinciæ.

Verum isthac argumentatione prorsus admissa, suppono in primis, quæ per unamquamque Franciæ Provinciam occurruunt causa judicariæ, administrari à Regio illius Provincie supremo Senatu. Hinc vero scisitor ex illo Parisiensi Doctore, an ex illâ Regij Senatus auctoritate judicariâ inferre aisi, illam administrationem supremo in qualibet Provincia Senatu, in causis judicariis etiam Ppp crimi-

criminalibus commissam, privativè ad Regem intelligi debere, ita ut dicendum sit, ex ea Regi ademptam esse & cumulativam & supereminentiam in administratione hujusmodi, causisque judiciariis eidem annexis auctoritatem? Quomodo igitur Elliesius, utique negative, respondebit ad isthanc questionem, e modo stabit in salvo auctoritate Ecclesiastice Synodo Provinciali superioris, imò in Papa & Concilio Oecumenico supremæ, non cumulativa duntaxat, sed etiam supereminens potestas. Et hinc quando Innocentius III. in Epist. ad Vidiacum Rhotonag. cap. 3. dicit: causas, vel contentiones inter Clericos tam superiores, quam inferiores exortas, ab Episcopis ejusdem Provinciae secundum Synodum Nicenam congregatis esse terminandas, absque tamen prejudicio Romanæ Ecclesie, immixtò contendit Elliesius, hanc clausulam indebet superaddi; cùm per ipsam rei naturam debet subintelligi, dum non privativè ad Sedem Apostolicam accipiens est ille Nicenus & Constantinopolitanus Canon, sed salvâ nudum cumulativam, verum supereminente etiam, clavium Cathedrae Apostolicae Romane ex Christo conceffarum auctoritate.

17. Secundò inducitur ex opposito Africanum Concilium in Epist. ad Cœlestinum, ubi sic cum alloquitur. Præfato debite salutationis officio impedit deprecamur, ut deinceps, ad vestras aures hinc venientes, non facilius admittatis, nec à nobis excommunicatos in communionem velitis admittere, quia hoc etiam in Niceno Concilio definitum, facile advertit Venerabilitas tua: nam et si de inferioribus Clericis, vel Laicis videtur ibi præcaveri, quantum magis hoc de Episcopis voluit observari, ne in sua Provincia à communione suspensi, à tua Sanctorate vel fæstinatione, vel præproperè, vel indebet videantur communioni restituvi, quia & nullâ Patrum definitione hoc Ecclesia derogatum est Africanae, & Decreta Nicena sive inferioris gradus Clericos, sive ipsos Episcopos suis Metropolitanis apertissime commiserunt. Prudentissime enim justissimèque providerunt, quæcumque negotia in suis locis, ubi sunt orta, finienda, nec unicuique Provincie gratiam s. Spiritus defuturam, quæ aequitas à Christi Sacerdotibus, & prudenter videatur, & constantissime teneatur. Ex quo infert Elliesius, apertissimè constare, Episcoporum non secus ac Clericorum iudicia in Concilio Provinciali, juxta Nicenam Synodi regulam, terminari debere.

18. Verum præterquam, quod illa iudiciorum terminatio à Synodo Provinciali facienda, juxta dicta superiora nequeat privativè ad auctoritatem Concilio Provinciali superiorem intelligi: sed salvam supponat nudum cumulativam, sed supereminentiam Concilij Diocælos, & a fortiori Synodi Oecumenica, atque Peri Cathedrae Apostolicae auctoritatem: meritò insuper in illis Africani Concilij litteris annotandæ hic occurunt sequentes clausulae, tum quod Patres inibi deprecant Papam, ne deinceps facilius admittat, & ad communionem restituat à se, nempe Provincia synodo, excommunicatos. Quomodo autem hujusmo-

di deprecation ad excommunicatos non facilè admittendos subsisteret, nisi ab illâ Synodo fuisset in Romano Pontifice agnita superior auctoritas, cùm cæteroquin non facilè tantum illi non fuissent admittendi, sed nullo proflus modo fas fuisset Papa, illis à Synodo Provinciali ad ipsum recurrentibus, refinere communionem. Tum quod in eadem Epist. dicator, videri de inferioribus duntaxat Clericis, vel Laicis à Niceno Concilio præcaviri. At si hujus Concilij Canon per apertam literam sanxisset etiam de Episcopis, quomodo videri posset, eo duntaxat cautum esse etiæ in inferioribus Clericis, vel Laicis? Attenet quidem Canonis Nicenæ ratione, ne scilicet per nimios ad Sedem Apostolicam ex remotionibus provincijs recursus, justo major fieri posset quietis Ecclesiastice perturbatio, subinferebant exinde Patres Africani, præstatæ Synodi intentioni ac menti concordem esse, ut de Episcopis etiam observaretur, ne qui in sua Provincia à communione suspensi sunt, à Pontifice Romano vel fæstinatione, vel præproperè, vel indebet restituant communionem. Sed ad quod tantæ restrictiones adhibendae fuissent ab Africanis, nisi isti agnovissent in Papa recursum ejusmodi admittendorum potestatem, cuius tamen circumspectam deprecabantur moderationem ex causa, quod prudenter, justissimèque sit provisum, quæcumque negotia in suis locis, ubi sunt orta, finienda, nec unicuique Provincie gratiam s. Spiritus defuturam, nec Episcoporum concordem coherentem suâ subdolâ & fallaci temeritate collidere, sed agere illie causam suam, ubi & accusares habere, & testes sui criminis posse.

Inducuntur tertio Canones Concilij Antiocheni à Synodo Oecumenica Chalcedonensis, ac in Ecclesiâ universâ in auctoritatem admitti quorum decimus quintus ita habet. Si quis Episcopus de certis criminibus accusatus condemnetur ab omnibus Episcopis ejusdem Provinciae, etiæque coarctantes eandem contra eum formam Decreti proulerint, tunc apud alios minime iudicari, sed secundum concordantium Episcoporum Provinciae manere auctoritatem. Quod si vero Episcopon non convenienter in unam sententiam, statuit eadem Synodus Can. 14. ut Metropolitanus Episcopus à vicinâ Provincia Iudices alii conveneret, qui controversiam tollant, ut per eos simul & comprovinciales Episcopos, quod iustum fuerit, apparetur. An non igitur hic extat manifeste lancitum; ut omnis causa, ipsos etiam Episcopos concernens, Provincialis Episcoporum Synodi, sconveniant, vel sivariant, finitum orum, una & Comprovincialium arbitrio plenè terminetur, nullorūloco appetit.

appellationis ad superius aliquod Ecclesiastici
cum tribunal?

21. Verum dum Elliesi gloriari, eos Concilij Antiocheni Canones in auctoritatem admissos esse à Concilio Chalcedonensi, à quo ramen, superius asseverabas, extare statutum, ut à Synodo Provincie detur recursus ad Synodus Diaecenos: quomodo absque aperta contradictione fas tibi fuit, afferere, quod ex praetlegatione Concilij Antiocheni Canonibus, nullus postea relietus sit locus appellatio- ni ad superius aliquod Ecclesiasticum Tribunal interponenda? Sicut ergo Chalcedonense Concilium illos Antiochenos Canones non ita intelligendos censuit, ut per eos esset de negata appellatio, sed ab hac, utpote que per ipsam rei naturam subsistebat, ibi abstraheretur, sive adeo recursus adhuc patraret ad Concilium Diaecenos, ita planè, in modo fortiori, nullatenus dici potest, per eos Canones fuisse eliminata appellatio ad Sedem Apostolicam. Quinimò si, ut aperte proferteris, in ejusdem Concilij Antiocheni Canone duodecimo ad majorem adhuc Synodum à Concilio Provincie datur recursus, quando obtentum fuit ab Imperatore rescriptum, quo causa jam judicata retractari jubebatur: an non Sedis Apostolicae major habendus fuisset respectus, ut eā jubente, causam retractari, ad alterius, Synodo Provincie majus, ipsius etiam Apostolicae Cathedrae tribunal admittit deberet recursus? Eō vel maximè, quod Canone sexto Concilii Constantinopolitani esset quoque provisum: si eveniret, ut Provinciales Episcopi crimina, que Episcopo intentata fuerant, corrigere non possent, tunc accederent ad majorem Synodum Diaecesis illorum Episcoporum, pro hac causa convocatorum. Quidni ergo istud haberet locum erga sanctoianum Apostolicae Cathedrae tribunal, vel jubente Papa, erga Concilium quoque Oecumenicum ipsius auctoritate convocandum.

22. Quo igitur iure, mi Elliesi, audiendos contendis Orientales, quos dicas Occidentalibus succensuisse, quod vellent judicia in Oriente finita (non utique coram alio, quam Sedi Apostolicae auctoritate insignito Tribunal) refricare; ideoque illos in Concilio Philippiano fuisse conquisitos, quod Athanasius in Oriente damnatus, ad communionem ab Occidentalibus effetti receptus; quam ob causam Orientales noluissent Occidentalibus communicare in Synodo Sardicensi, ed quod Episcopos à se damnatos non projectissent, sive Concilio Orientis non tribuissent dignum honorem. Nunquid vero æquum fuerat, tam Orientales, quam Elliesium cum suis affectis magis deferre Sardicensis Concilij Apostolicae auctoritas, sive Oecumenica Synodi charactere dotatae decretis proxime referendis, quam proprio suo iudicio, nullius Oecumenici Concilij, uti hæcenus visum est, definitione nixo? Nunquid ipsius per Christum Matth. 18. constituta sanctioni deferre potius fas est, juxta quam universos Ecclesias Episcopos, adeoque cum Occidentalibus ipso etiam Orientales in unum Oecumenicum, vicario

Christi penes Papam Romanum existente charactere insignitum, siveque universalis Ecclesiae representativum Concilium, convenire oportet? Nefas igitur est, eam Orientalium ab Occidentalibus fieri & probari divisionem, per quam, juxta Eusebianorum defensabilem prætensionem, res Orientis non nisi in Orientali Concilio, res verò Occidentis, non nisi in Occidental Synodo terminari deberent.

S. III.

Quid à Concilio Sardicensi de appellationibus ad Apostolicam Romani Pontificis Cætheram interponendis, fuerit sanctum?

E Lliesius presentis Dissert. 2. S. 3. præloqui-
tur in hæc verba. Cum Occidentales
viderent ab Orientalibus judicia quædam in-
justæ in Episcopos Orthodoxos v. g. in Athana-
sium esse lata, cogitasse de Synodorum Pro-
vincialium auctoritate per Synodum Sardicensem
imminuendâ; & idcirco non quidem
jus appellationum, sed aliam prærogativam
Pontifici Romano detulisse. Ita vero se ha-
bent preinsinuati Sardicensis Concilij ad præ-
fens institutum facientes Canones.

23.

Canon III. Sardicensis Concilij.

O Sius Episcopus dixit, illud quoque neces-
sariò adjiciendum est, ut Episcopi de sua
Provincia ad aliam Provinciam, in quâ sunt
Episcopi, non transirent, nisi forte à Fratribus
hujus invitati, ne videamus januam claudere
charitatis. Quod si in aliqua Provincia aliquis
Episcopus contra Fratrem suum Episcopum
item habuerit, ne unus è duobus ex alia
Provincia advocet Episcopum cognitorem.
Quod si aliquis Episcoporum judicatus fue-
rit in aliquâ causâ, & putat, se causam bo-
nam habere, ut iterum Concilium renovetur,
si vobis placet, S. Petri Apostoli memoriam
honoremus, ut scribatur ab his, qui causam
examinârunt, Iulio Romano Episcopo, &
si judicaverit, renovandum esse iudicium,
renovetur, & det Iudices; si autem proba-
rit, talem causam esse, ut non refricentur
ea, quæ acta sunt, quæ decreverit, confirma-
ta erunt, si hoc omnibus placet, Respon-
dit Synodus, placet.

24.

Canon IV. Sardicensis.

G Audentius Episcopus dixit, addendum, si
placet, huic sententiae, quam plenam
sanctitate protulisti, ut, si quis Episcopus fue-
rit depositus iudicio Episcoporum, qui sunt
in vicinia, & dicat, rursus sibi defensionis
negotium competere, non prius in Ca-
thedrali aliis substituatur, quam Romanus
Episcopus, causâ cognitâ, senten-
tiam tulterit.

25.

P p p 2

Canon.